



Molimo korisnike da prilikom upotrebe podataka
obavezno navedu izvor

GODINA IX

SARAJEVO, 20.04.2015.

BROJ 2

STATISTIKA TURIZMA

KUMULATIVNI PODACI STATISTIKE TURIZMA U BiH

Period januar - februar 2015.

U periodu januar – februar 2015. turisti su ostvarili 95.026 posjeta, što je više za 25,2% i 209.482 noćenja, što je više za 33,2% u odnosu na isti period 2014. godine.

Broj noćenja domaćih turista veći je za 28,5%, dok je broj noćenja stranih turista veći za 36,9% u odnosu na isti period 2014. godine. U ukupno ostvarenom broju noćenja učešće domaćih turista je 42,4% i 57,6% stranih turista.

Prema vrsti smještajnog objekta najveći broj noćenja je ostvaren u okviru vrste Hoteli i sličan smještaj sa učešćem od 95,6%.

U strukturi noćenja stranih turista najviše noćenja ostvarili su turisti iz Hrvatske (29,1%), Srbije (20,7%), Slovenije (7,6%) i Turske (6,5%) što je ukupno 63,9%. Turisti iz ostalih zemalja ostvarili su 36,1% noćenja.

Što se tiče dužine boravka stranih turista, na prvom mjestu je: Južnoafrička republika sa prosječnim zadržavanjem od 8,5 noći, Irska sa 3,6 noći, te Kuvajt i Indija sa po 3,3 noći.

Noćenja turista u periodu od januara do februara 2014. i 2015.




Tabela 3: Dolasci i noćenja turista prema klasifikaciji djelatnosti 1)


	DOLASCI			NOĆENJA			I - II 2015
	I-II 2014*	I-II 2015**	Indeksi I-II 2015 I-II 2014	I-II 2014*	I-II 2015**	Indeksi I-II 2015 I-II 2014	Struktura noćenja %
TOTAL	75.878	95.026	125,2	157.283	209.482	133,2	100,0
Hoteli i sličan smještaj	72.907	90.684	124,4	147.973	200.200	135,3	95,6
Odmarališta i slični objekti za kraći odmor	1.867	3.156	169,0	4.033	6.677	165,6	3,2
Kampovi i prostori za kampovanje	37	34	91,9	51	34	66,7	0,0
Ostali smještaj	1.067	1.152	108,0	5.226	2.571	49,2	1,2
DOMAĆI TURISTI	36.929	44.002	119,2	69.091	88.754	128,5	42,4
Hoteli i sličan smještaj	34.995	41.799	119,4	62.742	84.630	134,9	40,4
Odmarališta i slični objekti za kraći odmor	1.057	1.372	129,8	1.744	2.447	140,3	1,2
Kampovi i prostori za kampovanje	18	21	116,7	18	21	116,7	0,0
Ostali smještaj	859	810	94,3	4.587	1.656	36,1	0,8
STRANI TURISTI	38.949	51.024	131,0	88.192	120.728	136,9	57,6
Hoteli i sličan smještaj	37.912	48.885	128,9	85.231	115.570	135,6	55,2
Odmarališta i slični objekti za kraći odmor	810	1.784	220,2	2.289	4.230	184,8	2,0
Kampovi i prostori za kampovanje	19	13	68,4	33	13	39,4	0,0
Ostali smještaj	208	342	164,4	639	915	143,2	0,4

* preliminarni podaci

** podaci za prethodni period su revidirani

1) Klasifikacija djelatnosti Bosne i Hercegovine BiH 2010

Struktura noćenja turista prema vrstama smještajnih objekata u periodu od januara do februara 2014. i 2015.



METODOLOŠKA OBJAŠNJENJA

Cilj statističkog istraživanja

Cilj statističkog istraživanja jest praćenje turističke aktivnosti u komercijalnim smještajnim objektima i osiguravanje međunarodno uporedivih podataka statistike turizma u BiH u skladu sa važećom EU regulativom za statistiku turizma.

Jedinice posmatranja

Jedinice posmatranja su svi poslovni subjekti/pravne osobe koje su prema glavnoj djelatnosti registrovane da obavljaju djelatnost pružanja smještaja (oblast 55 - KD BiH 2010), fizičke osobe te domaćinstva koja iznajmljuju smještajne objekte turistima. Za potrebe istraživanja korištena je Klasifikacija djelatnosti Bosne i Hercegovine- KD BiH 2010 koja je u potpunosti usklađena sa Evropskom klasifikacijom ekonomskih djelatnosti NACE Rev. 2.

Obuhvat

Izveštajne jedinice su svi poslovni subjekti (preduzeća, obrtnici, zadruga, ustanove, udruženja itd.) i njihove jedinice u sastavu koji su prema KD BiH 2010 registrovani u granama: 55.1 (hoteli i sličan smještaj), 55.2 (odmarališta i slični objekti za kraći odmor), 55.3 (kampovi i prostori za kampovanje), 55.9 (ostali smještaj); zdravstvene ustanove u kojima osobe same snose naknadu za medicinsku rehabilitaciju odnosno svoj boravak; poslovni subjekti koji se bave posredovanjem u smještaju gostiju u: seljačkim domaćinstvima, kućama, kampovima, apartmanima i sobama, koje neposredno iznajmljuju građani/domaćinstva.

Cjelokupno područje Bosne i Hercegovine je obuhvaćeno istraživanjem.

Izvor i metoda prikupljanja

Podaci o turističkom prometu (broj dolazaka i noćenja turista) te smještajnim kapacitetima prikupljaju se redovnim mjesečnim izvještajem (obrazac TU-11). Izvještaji se sastavljaju na osnovu evidencija u knjigama gostiju, pružanja smještajnih usluga turistima ili samo posreduju u pružanju tih usluga.

Definicije

Turizam je aktivnost osoba koje putuju i borave u mjestima van svoje uobičajene sredine, ne duže od jedne godine, u bilo koje svrhe uključujući poslovne, razonodu ili bilo koju vlastitu svrhu, osim u svrhu zapošljavanja kod poslovnog subjekta sa sjedištem u mjestu posjeta.

Turist je svaka osoba koja u mjestu van svog prebivališta, provede najmanje jednu noć u ugostiteljskom ili drugom objektu za smještaj turista, radi odmora ili rekreacije, zdravlja, studija, sporta, religije, porodice, poslova, javnih misija ili skupova.

Prebivalište je mjesto u kojem se osoba nastanila s namjerom da u njemu stalno živi.

Domaći turist je svaka osoba sa prebivalištem u Bosni i Hercegovini koja u nekom mjestu u Bosni i Hercegovini van mjesta svog prebivališta provede najmanje jednu noć u ugostiteljskom ili drugom objektu za smještaj turista.

Strani turist je svaka osoba koja u Bosni i Hercegovini nema stalno prebivalište, a provede najmanje jednu noć u ugostiteljskom ili u drugom objektu za smještaj gostiju.

Znakovi

- nema pojave

0,0 podatak je manji od 0,05 upotrijebljene jedinice mjere

Izdaje i štampa Agencija za statistiku Bosne i Hercegovine, 71000 Sarajevo, Zelenih beretki 26

Telefon: +387 (33) 911 911 · Telefaks: +387 (33) 220 622

Elektronska pošta: bhas@bhas.ba · Internetska stranica: <http://www.bhas.ba>

Odgovara zamjenik direktora Fadil Fatić

Saopćenje priredili: Azra Demirović

Podaci iz ovog saopćenja objavljuju se i na internetu
